

Nel ta completamente bruha encuanto
e ideologia original di Betico y di
MEP...

BETICO TABATA KIER INDEPENDENCIA!

*El a confirme den loke a bira su carta
di despedida di BC y di Eilandsraad,
skirbi un par di siman prome cu
destino a interveni den forma di un
accidente cu despues a termina den
fatalidad.*

ORANJESTAD(AAN) No ta bon pa purba cambia historia, y menos ainda pa trata di gara na un figura popular manera esun di Betico pa intenta hustifica scrapmento di e fecha di Independencia, bisando cu Betico mes no tabata kier Independencia.

Betico den ningun momento a lucha pa logra Status Aparte so, sino cu ora el a ser confronta cu un "fait accompli", el a acepta, pero solamente como un caminda di transito pa yega na e meta y e ideal di MEP: Independencia.

Dia 10 di December 1985, un par di siman prome cu el a haya e accidente cu despues a coste su bida, Betico a manda su ultimo carta pa Bestuurscollege y Eilandsraad, den cual e ta splica su posicion y e idealnan di MEP bon cla.

E ta bisa nan: "Dia 5 di Februari 1979, boso College, ariba invitacion di Eilandsraad, a forma e Raadscommissie Onafhankelijkheid Aruba (Comision di Consejo pa e Independencia di Aruba). Kende ta firma a ser encarga cu e Presidencia di e Comision ey, cu a haya como tarea prepara y sigura e Independencia di Aruba.

"Pa loke ta trata e tarea encomenda na e Comision, mester remarca cu, durante e Conferencia di Mesa Rondo di 7 te 12 di Maart 1983, na cual a tuma parti Antillas Hulandes, e islanan di Antillas Hulandes y Hulanda, a acorda cu Aruba, haciendo uso di e derecho di autodeterminacion, ta haya Independencia, cu lo ser realiza na 1996. Status Aparte ta bin prome cu Independencia, den cual Aruba ta haya e status di un pais dentro di Reino.

"E tareanan di e Raadscommissie a concentra despues di e conferencia menciona, den e preparacion pa Status Aparte, cu ta cuminsa dia 1 di Januari venidero. Referente e tareanan

aki, mi por informa boso na number di e Comision cu nan ta completamente cumpli, motibo pa cual awor alfin e Comision por bay concentra ariba su tarea original, o sea, e preparacion y e realizacion di e Independencia di Aruba.

"Mirando cu Status Aparte ta cuminsa dia 1 di January 1986, mi ta haya deseable, despues di consulta cu Raadscommissie Onafhankelijkheid Aruba, entrega mi funcion como Presidente. Mi ta pidi boso pesey mes dunami mi retiro efectivo dia 20 di December venidero.

"Ta kedami solamente agradece boso pa e confianza deposita den mi."

E tabata un carta di despedida di un Lider cu a duna tur loke e tabata tin pa e felicidad di su pueblo y su isla. El a cumpli cu e tarea di Status Aparte, preludio di Independencia, y a pasa (decepciona y desilusiona cu e resultadonan di eleccion) e tarea di cumpli cu e berdadero ideologia di MEP, esta Independencia, den man di otro nan.

Esnan cu a bisa cu Betico no tabata kier Independencia ta sumamente equivoca, manera cu e carta for di su propio pen ta confirma. E tabata ta tambe, e ultimo carta cu el a dirigi na BC y Eilandsraad. E tabata un ayó y un confirmacion di e ideologia politico di MEP.

DIARIO ta trece e publicacion aki (cu nunca antes a sali den publicidad) na conocimiento di Pueblo, y especialmente na e conocimiento di e militantenan di MEP, pa dia e Congreso tuma lugar fin di siman, ningun hende bin bisa cu Betico no tabata kier Independencia y cu esey ta un di e motibonan cu a dicidi di scrap e fecha. Esnan cu no sa mihor por bin cu e locura ey, pero tur esnan cu tabata conoce Betico di berdad tabata sa cu e meta di MEP semper tabata: INDEPENDENCIA.



EILANDGEBIED ARUBA
NEDERLANDSE ANTILLEN

Uw nummer (letter) :

Uw brief van :

Ons nummer :

ORANJESTAD, 10 december 1985

Geacht College,

Op 5 februari 1979 heeft Uw College op uitnodiging van de Eilandsraad ingesteld, de Raadscommissie Onafhankelijkheid Aruba. Met het voorzitterschap van deze commissie, die tot taak kreeg, het voorbereiden en het verwezenlijken van de onafhankelijkheid van Aruba, werd ondergetekende belast.

Voor wat betreft de taakopdracht van de commissie kan worden opgemerkt, dat tijdens de Ronde Tafel Conferentie van 7 t/m 12 maart 1983, waaraan hebben deelgenomen de Nederlandse Antillen, de eilanden van de Nederlandse Antillen en Nederland, is overeengekomen dat Aruba, gebruik makend van het recht op zelfbeschikking onafhankelijkheid verkrijgt, te realiseren in 1996. Aan de onafhankelijkheid gaat de Status Aparte vooraf waarin Aruba de status heeft van land binnen het Koninkrijk.

De werkzaamheden van de Raadscommissie hebben zich na deze conferentie geconcentreerd op de voorbereiding van de Status Aparte, die zijn intrede doet op 1 januari a.s. Ten aanzien van deze werkzaamheden kan ik U namens de commissie berichten dat zij inmiddels zijn voltooid waardoor de commissie zich nu eindelijk kan gaan concentreren op haar oorspronkelijke taak, te weten, de voorbereiding en de realisering van de onafhankelijkheid van Aruba.

Gezien echter de intrede van de Status Aparte per 1 januari 1986 acht ik het wenselijk, zulks na overleg met de Raadscommissie Onafhankelijkheid Aruba, mijn functie als voorzitter neer te leggen. Ik verzoek U dan ook mij als zodanig per 20 december a.s. te willen ontslaan. Rest mij tenslotte U dank te zeggen voor het in mij gestelde vertrouwen.

Hoogachtend,
De Voorzitter van de Raadscommissie Onafhankelijkheid Aruba,

G.F. (Betico) Croes

nog niet geheel is volbracht, daar de Status Aparte slechts is de noodzakelijke aanloop naar deze onafhankelijkheid. Reden waarom